

Til fylkesmannen si landbruksavdeling
v/Egil Nestande:

Søknad om BU/tilretteleggingsmidlar til forprosjekt april – sept 2005 om naturbasert reiseliv i Breim med ungdom som ressurs

Bakgrunn

Bakgrunn for denne søknaden er bygdeutviklingsprosjektet i Breim som nett har søkt opptak i det treårige bygdeutviklingsprogrammet. Viser til den søknaden m/vedlegg som generell informasjon. Viser og til fleire tidlegare samtaler. Landbrukssjef Jon Egil Vik i Gloppen har avtala utsetjing av denne søknaden i høve til fristen.

I høve til **Strategi for landbruksrelatert nærings- og bygdeutvikling i Sogn og Fjordane** (2004), utarbeidd av ei breitt samansett gruppe på fylkesnivå, vil vi nemne litt meir om

Ungdom som ressurs

Lars Hustveit, prosjektleiar her i fylket for prosjektet "Fjellregionsamarbeid" skriv i ein kronikk i Nationen 12.05.2004 under overskrifta *Internasjonalt sus over Fjell-Norge*:

"Sjå www.fjellatlas.no, studer døma Balestrand og Gloppen og finn ut kva eit avansert informasjonsopplegg på internett kan vere."

Det spesielle for Gloppen sin del var at denne informasjonen med "internasjonalt sus" *eine og åleine* var lagt ut av 9.klassingar og ein spesielt interessert og dyktig lærar. I dagens mediaverd er det ofte dei yngste tenåringane som har spisskompetansen (viser til bygdeutviklingsøknaden når det gjeld nivå på denne elevgruppa som no er 10.klassingar) Den fylkeskommunale strategiplanen nemner derimot kun at det er viktig å oppretthalde Mo og Aurland jordbruksskular for å sikret rekruttering til landbruket, ingenting om andre skuleslag.

Men det er *i ungdomsskulen elevane vel vidaregåande retning*, berre eit fåtal vel i dag Mo og Aurland – og med dagens mediaoppslag om opplevingsturisme basert på bygdene sine natur, kultur og miljøverdiar som redninga er kanskje – er kanskje ein allmennfagleg vgs som Firda med sterke språk, kultur, natur, idretts- og mediaseksjonar ein like god "jordbruksskule" som dei tradisjonelle -?

Elevbedrifta Natur og media ved Gloppen ungdomsskule (GU) viser i alle fall høgt nivå og er framtidsretta i si satsing på **kunnskap om flora og fauna som forretningside** Jfr vedlegg om at ornitologi har større turismepotensiale enn jakt og fiske. Tilsvarende forretningspotensiale blir det peika på i rapporten bondelaget og skogeigarlaget bygger på i si satsing på utmarksturisme på der det heiter (s.13): "Trolig ligger det et betydelig potensial for økt omsetning innen for eksempel "birdwatching", moskussafari, hvalsafari, fotturer, turer knyttet til geologi, botanikk, "fin natur" osv. "

Grovplan for forprosjektet

Forprosjektet i sommar tek utgangspunkt i Dagrun Aarsten og Gunn Aase Moldestad si utgreiing datert 4.mars 2005 om **Miljøtiltak i landbrukets kulturlandskap og områdetiltak til fiske og jakt i Breim** som dei har laga for Breim vilt- og fiskelag.

Både Aarsten og Moldestad har sterkt framheva overfor oss at det er gjort nok utgreiingar både av dei og andre om naturbasert reiseliv og at ein no må hauste erfaringar gjennom konkrete utprøvingar.

Utgreiinga har vore drøfta både på ope bygdamøte om naturbruk og internt i organisasjonar og lag. Det er sett ned ei planleggingsgruppe som m.a. skal prøve å få til ein aktivitet for dag i

juli, spesielt knytta opp mot friluftslivets år og 100-årsmarkeringa, og slik at alle deler av bygda kjem med (m.a ved vitjing av støylyar og gode fiskevatn som Breim har i alle soner).

Lærer Svein Hjelmeset ved (GU), drivkraft bak Fjellatlas og elevbedrifta Natur og media (pr dato 22 deltakar i 10.klasse) er villig til å bli leigd inn til å leie den naturfaglege granskinga i Breim saman med elevane. Vi håpar å kunne lage noko mindre folkarar og få ein del ut på nettet. Men generelt reiknar vi med at denne sommaren trengst til undersøkingar, foto og videoopptak, innlegging av alle turstiar på GPS, gjennomgang av tilgjengelegheit saman med representantar for dei funksjonshemma osv. Svein og ungdommane blir så langt mogeleg med på turane. Deltakartal på turane samt bearbeiding av undersøkingane frå sommaren i løpet av vinteren dannar så grunnlaget for ei kommersielt tilbod i 2006. Jfr det Moldestad og Aarsten skriv er nødvendig å avklare før ein set i gang større turismesatsing.

På sikt vonar vi å få til ein modell der interesserte lærarar og elevar kan få godkjent arbeid og studiar i den grøne årstida som del av skulen si ordinære verksemd. Dette vil bli tatt opp med Ungt Entreprenørskap i nær framtid.

Økonomi og prosjektstyring

Forprosjektet blir styrt av Breim vilt- og fiskelag. Laget femner om heile bygda, er med i prosjektgruppa for bygdeutvikling, og har vore kontakt i høve til skulen siste året.

Sidan 10.klassingar i mindre grad kan jobbe på eiga hand, både i høve til erfaring og arbeidslivsreglar, sertifikat osv må dei ha tett oppfølging. Noko av dette skjer ved å leige inn Svein Hjelmeset som nemnt ovanfor, noko ved å bruke fjordhestgarden som base. Men ein aktivitet for dag i juli og andre annonserte turisttilbod krev at nokon er forplikta til å gjennomføre dei. Vi arbeider då med å koble inn 4H-alumnar og andre eldre ungdommar i tillegg, og nokre sentrale personar i bygda må frigjerast for å ta koordinerings- og planleggingsansvaret.

På denne bakgrunn tillett vi oss med dette å søkje om kr 60.000 i BU/tilretteleggingsmidlar ut frå budsjettet nedanfor.

Kostnadsoverslag:

Frikjøp av lokale krefter:	Kr. 120.000,- (6 mnd. x 20000)
Organisering av grunneigarar	" 20.000,-
Utferder/transport	" 10.000,-
Rapport/div	" 10.000,-
Implementering lok/reg	" 10.000,-
SUM TOTALT	Kr. 170.000,-

Finansiering

Fylkesmannen tilretteleggingm:	Kr. 60.000,-
Lokale midlar	" 30.000,-
Eigeninnsats	" 80.000,-
SUM TOTALT	Kr 170.000,-

Om det trengst utfyllande opplysningar ber vi om at underteikna eller Gloppen landbrukskontor blir kontakt.

For Breim vilt- og fiskelag
Ola Bergheim (leiar låglandssona)